

夜譚隨錄

閑齋氏著

第三冊

進步書局校印

夜譚隨錄卷之三

霽園主人閑齋氏著

葵園主人蘭岩氏評閱

邱生

連城賴冠千言。其鄉有邱貢生者。忘其名。貴家子也。年甫二十。年姿如玉。雍正間。自閩入都。將肄業於成均。以圖進取。未攷到。暫寓左安門外某寺中。寺近某貴公廢園。地極荒僻。生少喜動。不耐岑寂。飯後。攜小童。散步行食。初不知有園。及遙見林樹葱鬱。樓閣參差。訝而詢諸耕者。始得其詳。亟往遊焉。小童怯行路。或感額瞋目。或出言怨咨。生惡其賤。疾使先歸。小童喜躍而去。生且行且笑曰。奴子別有肺腸。想天之生人。本無雅俗。彼受其父母精血之濁而生。故致此。譬夫犬之食穢。其種類然也。比至園。日已夕矣。荒榛繞徑。豐草堆階。門亦扃鎖。攀衣撥莽。越堦垣以入園中。古檜高槐。濃陰吏徑。紆迴循徑行。忽達一橋。朱欄摧折。紅板朽殘。橋下蘆荻叢生。蛙鳴積潦。過橋抵一軒。蛛絲當戶。紗綠在窗。生徙倚闌杆。徘徊忘返。不覺古牆月上。苔砌蟲喧。晚風入林樹間。如聞吟嘯。本欲窮其幽邃。當此際心殊怛怖。乃折軒前鳳仙花。却步欲歸。忽聞迴廊下有清銳其音者。叱曰。何處小蠻奴。擅入人家窺伺。貴人眷屬居此。肯容汝折一莖草。踏一塊磚耶。生驚視之。則十六七二女嬈也。一綠衣。一碧衣。眉目如畫。

面無怒色。但作惡聲耳。生自知冒昧。急整衣趨而揖之。曰。異鄉年少。孤客無知。孟浪採花。罪不容赦。倘蒙寬宥。佩德不忘。綠衣者曰。或即寬宥。亦平常事。那便是德。那便不忘。書痴便給。欲給阿誰耶。碧衣者曰。今不痛加懲治。彼以為我輩孱弱。必源源而來矣。言次。復有數女奴自軒後出。問曰。何事喋喋。娘子候回話矣。二女同笑曰。回底話。知他何處書生。兩蠻映舌。令人一字不解。眾女環觀相語曰。蠻子殊不醜。盍捉去聽娘子發付之。僉曰。有理。生大懼。投地求釋。眾置若罔聞。或揪耳輪。或捋髮髻。後推而前挽之。生固無縛雞力。遭此紛拏。不克自主。須臾至一廣廳下。始各緩手。生喘息稍定。又聞傳話曰。命捉上樓去也。眾又擁生至樓下。前二女先登。眾未登。共立簷下。屏氣無敢息者。有頃。前二女各抱綉袱。含笑出戶。曰。幾誤大事。諸姊妹各散。無事聚此矣。眾皆默然散去。二女挽生入左室。一切甚精潔。中有池香湯。芬馥。知為沐浴之所。二女持巾執悅。侍生浴訖。徹體易新衣。長短合度。鮮華照人。二女嘖嘖歎美不絕口。俄有提燈來迎者。亦二八女奴也。導引入房。暫就客座。一女侍側。前二女入內寢房中。位置器物精奇。目所未睹。生中心忐忑。不測吉凶。良久。忽覺異香撲鼻。笑語囁嚅。顰黛簾啟。二女從一女。郎亭亭出戶。容輝豔麗。曠世無匹。年約十八九。衣藕色畫衣。拖墨花裙。含羞向生。側身敘粧。生却步逡巡。不覺屈膝。女郎挽之入座。曰。君非鄧江邱貢生耶。曰。

然曰然則與兒有姻緣之契矣。兒衛氏字素娟。世系隴西。令尊公為秦州參戎時。與先君結耐久交。因有婚姻之約。彼時爾我尚在襁褓中。不能記憶。迄今計之。十有七年矣。一旦邂逅于此。紅絲繫足。豈偶然耶。昨夜夢神人見告。故能預知郎名姓里居。幸郎勿猜也。生雖少孤。至于父為秦州參戎。則知之爛熟。茲聞女郎言有據。並不致疑。且對此麗人。神魂喪失。無暇致詳。但再拜曰。第恐瀕海鯁生。有辱門第耳。不然。淮王之雞犬。未有不望上大羅天者。娟笑顧二女曰。汝道郎君言不可曉。何為字字了了。二女笑曰。方初見郎君時。但聞輶軒如鳥鳴。雖悅耳。實笑人。今與娘子應答。又甚清楚。想前操土音。今說官話也。娟嚶嚶而笑。生亦笑曰。真可兒也。敢問芳名。娟曰。綠衣者翹翹。碧衣者楚楚。生曰。謹誌不忘。二女曰。子郎固有德。何可使忘。生復笑。隨聞內城蒲牢聲。如海鯨之鳴。知漏下矣。娟命酒。頃刻敲板排列。無非珍異。尤多不知名者。固非人間所有。生飲次。問娟有父母兄弟姊妹乎。娟曰。皆下世矣。雖有姊妹行。亦各適所天。他日會有相見時也。又問卿富貴極矣。而園亭荒廢若此。何也。娟曰。此宗室貴公之園。借以暫居。與郎舉姻後。仍返故宅耳。生又問卿先世作何官。娟笑曰。二十歲人。底事向向嘔嘔。如老婦然。夜深矣。無事多問。生頗為之赤。舉觴自罰。三更始就寢。象床雕几。綉枕錦衾。紅燭高燒。金爐香裊。恍遊天上。如在夢中矣。娟雖齒穉。而帷薄之間。狎褻殊甚。每移

燈近榻。令二婢更番侍側。通宵嬉嬉。生力倦。輒進酒一小卮。色似珊瑚。香通文納。飲之精神驟旺。興發如狂。媚體雖再弱。頗能支也。自此好合無間。朝夕不離跬步。媚有異術。往往收取各種花子。祝之。化為異香。含之。齒舌俱饒。又能攝取諸物。從心所欲。頃刻至前。即荔枝楊梅之難致者。莫不應之如響。一日謂生曰。可檢點作歸計矣。生曰。以我車來。以爾賄遺。媚曰。無需于君。但勞玉趾一行耳。日間或不便。夜去可也。是夕男婦來者甚衆。見媚與生。皆下拜。几榻箱籠。爭相負荷。須臾而盡。媚攜生率翹楚。緩步從之。未一里。即至一巨宅。雕甍畫棟。橡栢連延。五步一軒。十步一閣。迴廊曲檻。花木幽深。應接不暇。唯自忖度。非夙有仙緣。烏能得此。雖南面百城。弗與易矣。既而入室。陳設尤華美。于是食饜甘肥。衣厭細爽。息功名之念。絕鄉國之思。轉盼已逾兩月。媚往往他出。出必與楚楚俱。或數日始返。返必退處別室。越一宿。然後同生寢食。率以為常。生詰之笑而不答。弟誦梁武帝詩以應之曰。滿塘蓮花開。紅光照碧水。色同心復同。竊異心無異。生莫解其意。亦不復窮究。數日後。媚又有所詣。攜翹去。留楚楚伴生。生因乘間詢楚楚曰。娘子每出數日。究竟何往。楚楚曰。詩中之意。郎猶未會耶。生曰。幾經尋味。終不得解。楚楚掩口笑曰。措大心思如此。何啻著低棋者。雖窮思極算。又豈有高著出耶。生語塞。聊以謔語解嘲曰。予固未嘗搜詩意。特見子狡滑。欲以發付之耳。楚楚聞之。且

哂曰。聽飾詞。殊可笑。轉欲請問如何發付矣。諒郎君口同百舌。胆如鼷鼠。詎敢作犯法事。亦不過一言半語。討人便宜而已。正俗語所謂說大話。爆脾者。真足以笑殺人也。語既尖酸。態復妖媚。生不能復耐。猝捉其臂。捺之牀上。開掌作欲打狀。曰。小婢子敢再嘲笑。受此一掌。楚斜卧榻上。並不轉側。但瞑目作嬌音。應曰。一掌便何如。欲打誰耶。生隨勢接吻。曰。忍打卿耶。聊相戲耳。言次。楚楚褻衣已被褪落。漸入佳境矣。由此二人綢繆臻至。唯恐媚歸之速。無何媚回。熟視楚楚顏色。頓異。生在旁殊懷愧怍。翹翹低語告媚曰。娘子之螟蛉不去。終當洩其秘密。媚但搖首令勿言。少間曰。休。木有癰。犀有通石有暈。物以病而見責者多矣。何怪小女子乎。直笑而不徙薪。無怪其然。且兒既不能雌伏。寧能禁人不雄飛哉。此間本非樂土。今又成穢墟。會須直還故居。以謀寧謚耳。楚楚目生。生會意。遽下席長跽而謝曰。承卿不棄寒微。寶宮自選。豈敢戀茲春色。還其豕心。媚拔之起曰。有則改之。無則加勉。若夫不夷不惠。可否之間。固處世之所珍。非用情之所貴也。生頓首受教。相睦如初。媚再遷之志已決。盡棄所有。即日起行。生怪問其故。媚曰。此皆易得。不足戀也。生甚疑。且實難捨多珍。行里許。托言腹急。潛回故處視之。但見林樹如故。第宅無存。蒿萊間草屋數椽。垣壁頽圯。似久無人居者。四顧茫茫。始大駭異。方徘徊間。翹楚踵至。呼曰。郎留連何事。生曰。偶憶詩稿未攜。欲還取之。不

意迷路至此。楚楚曰：「此去故宅已百餘里矣。庸得歸乎？」生曰：「行未一里，那便隔絕若此？」翹笑曰：「偕仙人行，豈同凡俗？」郎勿夢夢。牽引却回，纔數武，娟已坐待路側。見生至，怨曰：「奈何免脫？再遲一刻，不得相見矣。」生不敢辯，因復進。又數里入林中，夏木千章，陰蔽天日，穿林抵一洞穴，望之黝然。娟先入，生却步不敢前。翹楚自後擠之，失足顛踣，已在穴中。穴旁另開一門，翹楚繼至，共啟門而入，則巨室也。華麗不及故宅，而雅靜過之。恍若別有一天，且驚且喜。自念曰：「今夕何夕，入此穴處。」娟笑曰：「穀則異室，寢則同穴，相與拊掌，呼酒共酌。」生問曰：「棄故居如敝屣，散僕婢於四方，其故何也？」娟曰：「天地皆泡幻也，故居尤幻之幻者。奴婢各有居處，有事聚之，無事各散。郎但取衣食裁足，共圖長生。至求盈餘，徒自苦耳。」此處洞天福地，有入塵出世之妙，無玄冥回祿之虞。雖紫府蓉城，不過如是。塵世幻境，戀戀何為乎？有頃，楚楚報曰：「羊姨聞娘子偕郎君歸，携盒來賀矣。」娟與生曰：「羊妹與兒故相得，郎見之，但呼為姨可矣。」俄而羊至，亦十七八好女子也。相見懽然，猶有羞態，不似娟初會時。載笑載言，有見慣司空之局。敘祗賀，娟曰：「久與三姊契濶，靡日不思。詎意去甫兩月，遂叶鳳占。老母聞之，良喜。先命兒致不腆之儀，表意。尋當自來。今觀姐夫如玉山照人，洵稱佳偶，非三姐厚福，然難消受。」娟笑曰：「妹大為溢美，獨不慮掄揚過當。」惹人笑破唇耶？呼翹翹耳語，翹諾而去。移時，偕一媼至，娟迎拜。

以嬌呼之。蓋革母也。生亦拜。媼且荅且相喜曰。此即新郎君耶。誰家千里駒。因風至此。老身在世六十年。閱人何啻千萬。所見英妙者。西城某侯子。某銀局祝六官。與郎君鼎足而三焉。然彼二人。如春暮桃花。皆天畀其年。疇不痛惜。郎君獨與三姐遇合。何愁不壽。較二子。真天淵矣。烏得不賀。乃令革女執壺。自把盞先酌生。次酌媼。最後酌革。曰。汝亦當賀一竿者。三姐已得佳婿矣。次當及汝。不一半年。亦有伉儷之望也。革俯首羞甚。紅潮兩頰。縮手不取盃。媼接盃強飲之。曰。娘賜酒。乃敢不飲。老人家語。有一字浮泛耶。生亦從旁與翹楚和之。盡歡而後散去。翌日。媼謂生曰。來而不往。非禮也。請偕郎一候革姨。生從之。由穴旁一小門入。行土窟中。約一矢地。更達一土室。革母女咸在。接待極懼。慇懃留飲。生周視房中。雖具精潔。唯一榻一几。餘無所有。殊形謫陋。歸問媼曰。革家無乃貧甚。何身外別無長物。媼笑曰。郎見其僅有几榻乎。不知几榻猶假于兒者。雖苦貧。幸與兒隣。不特免呼庚癸。且多饒裕。生曰。此亦足見卿使矣。居無何。革持錦箴一幅。乞生書玉臺新詠序。生為倣洛神賦小楷以應之。革得書。珍同拱璧。謂序與書。及書序之人。可稱三絕。會媼他出。翹楚與俱。生獨坐。革又將聚骨小扇一柄來。欲生書漢雜事秘辛。生謔曰。幾曾見人家處子。向外人索寫穢褻語。不避嫌疑乎。革曰。娟姐不在。翹楚隨行。此事爾我外疇復知之。生曰。信如子言。則女堂之事。何以至今廣傳。

華曰好事者為之耳。計當日窺見至隱止吳姁一人。苟秘而不宣。焉能洩漏。生曰。然則今日亦幽獨矣。子能容我為吳姁否。華面發頰。拈帶不語。生知其情動。遽前擁之。出示其具。華掩袖微睇曰。波情郎舉體皆韻。此物何太不雅觀。生笑曰。貌雖不韻。而韻事在其中矣。女心大動。不復抗拒。遂相與綢繆。如膠投漆。既而華泣謂生曰。初以郎為儂薄子。久乃知為樸厚人也。兒生不逢辰。死復抱恨。一旦委身君子。亦云奇遇。郎罹禍目前。寧忍坐視。欲明以相告。第慮新不聞舊。徒取嫌耳。生曰。卿過慮矣。夫以少年孤客。漂泊無依。天假之年。得遇娟姐。何翅裴航之泛鄂渚。阮肇之入天台。今又與卿有契。方自慶多福。罹禍之說。突如其來。誠所不解。華聞之。廢然良久。始歎曰。兒固知病在膏肓之間者。藥石所不能入也。郎並枕于菟。連盤野葛。自謂快心悅口。殊不知通心鑽徹骨錐。雖有燕雨。貫七札而猶脫穎矣。彼娟姐非人。乃天壇中一老狐也。為其迷媚而死者。指不勝屈。總為採取元精。以忘其惑。豈果有纖毫仁義與郎作偕老計也。人情固多好色。似不應踴有限之精神。填無窮之溝壑。生聞之。驚怖股栗。結舌不能語。華曰。郎試自維。倘細情纏愛。雖死不悔。則兒言誠贅矣。若猶有戀世之心。惴死之念。當思早離岌岌之地。遵坦坦之途。兒從中為郎籌畫。轉禍為福。起死回生。亦易舉耳。生大懼。長跪請計。曰。聽卿言。如夢覺矣。如蒙援手。敢不鏤肝。華牽使就坐。袖出一符授生曰。勿惶惶。且將此貼戶上。令老魅來。不得入。而後徐計未晚。生貼符却回。涕泣求救。華為書。裏曰。娟雖淫毒。然通

靈有術。能變化。避之不密。彼終能踪跡之。今欲計萬全。非求黃道士符錄不可。黃道士援太乙秘笈。持五雷正法。任五嶽觀。即屈節求之。符即可得。此事不得緩。三日內不得。則大事去矣。彼每出不返者。以仍有人被惑故也。此際必幻化圓聖。相與留連。如郎朝死。夕即有他人入室。蓋此間為狐之巢穴。雖出千里。遲數年。終須歸此耳。彼出已兩日矣。再三五日當返。郎欲逃。正其時也。生且悲且喜。再拜謝曰。卿起白骨而肉之。何以圖報。革亦泣曰。寧生離。無死別。行矣。慎之。無相忘。緣盡於此矣。生曰。果卿將奈何。革曰。兒聞賢者。急病而讓夷。兄兒亦有術。自能發付老魅。無慮也。于是再四促之。生不得已。握手辭行。哭失聲。革急止之。送至門。忽愕然曰。為郎幾誤切已事。乃復攜入室。並解衣。出一紫羅囊。探囊出一白玉小印。方寸許。上作螭紐。其文曰。異地同符。贈生曰。物雖微。即寶之。可以致富也。他日遇購者。究印之所自至。但云得諸廣渠門外。城隍間可矣。兒所以厚贈。雖卿酬一夕枕席之愛。抑有一事相囑。托革垂庇也。生曰。一身皆卿之賜。更何事不盡心力者。革再拜而謝。乃泣訴曰。郎勿駭。兒亦非人。實鬼也。生時本河南人。因歲荒流徙入都。隨老母傭于崇文門內王氏家。王固巨富。貨賄遍天下。所賴以此。玉章為符節。玉章者。閩中江陽臣鑑也。人不得借。凡有王氏玉章印記者。無論江楚之遠。川廣之遙。雖片紙隻字。亦能立質千萬。一旦失之。十餘年來不復響應。王深為

恨悵。或誣兒母女盜去。王捷母至死。兒亦投繯。王蒙葬于此。左隣孤穴。右比羅窩。抱恨九幽。愁魂千載。君能買高原一寸土。俾得改瘞。則銜結之報。永矢弗諼。生曰。若扶泰山。起北海。予固不能矣。似此鎖事。不足縈卿懷抱也。言訖分手。辛指墓前枯槐樹曰。誌此勿忘。生審視良久。不忍言別。辛引身入穴。始號咷而去。時晨星映野。斜月入林。蹀躞蹀躞。約十餘里。甫望見樓堞。逢人諮諏。始得至五嶽觀。果有黃道士者。童顏玉色。鬚眉似金。貌極怪偉。生頓首乞符。黃熟視而哈曰。妖氣濡染未深。何傷弓驚餌之早。子真機警人哉。書三符付之曰。終身佩之可也。生承教而去。徑來所寓寺中。寺僧見而驚曰。先生一晌在何處。致老僧懷感至今。生以詭詞結之。問僮僕焉往。生曰。回南月餘矣。行李尚存乎。曰。攜去矣。生愀然無措手足。處僧曰。先生豈無親故。仕于京師者。盍往就之。生曰。有親屬為部郎。往歲已左遷外補矣。今也則無僧曰。朋友亦可與謀。僧曰。總朋友憐而顧我。我何面目見之。況任黎交誼。世有幾人。倘覩面雲泥。情何以堪。生曰。先生固才貌兼者。懷策以謁時賢。投刺以干當道。必得上賓。天子何衣食之足慮乎。生潛然曰。落拓如此。誰復肯幹旋者。自媒不遂。則身辱名裂。寧凍餒以填溝壑。不忍搖尾向人也。僧乃喟然歎曰。往者余弗及。來者余弗聞。老僧眼中所見之士。先生一人而已。子身無依。而不屑干謁。餬口有地。而深耻托鉢。愛其品節。重其羔鴈。先生尚志。非長貧賤。

者請設一榻而屈先生賣賦長安以待時至不亦可乎生乃感謝便栖寺中為人代書一日寺僧市五色絹牋乞生作書云為檀那作壽軸書成苦無圖章即取玉章印之僧更市麴桃素食湯餅易新衣駕驪車入城去生目送而笑曰玉章今日出脫矣守錢虜未必能辨即以護封作押角應無不可者弟恐識者見之捧腹耳晡時僧却回色殊愉快入門即問曰先生寫作俱佳不待言矣而所用圖章從何得來生曰偶然得之者蓋吾鄉江臨臣之所鑄也僧曰此大異事城中王翁敝寺檀施也見圖章把玩良久測其意似喜似驚再三致語老僧具說本末翁囑致聲翌日必欲先生入城並攜玉章此老素渾樸無廢詞其言欲如此則必如此矣幸先生勿拘執明晨同老僧一往自有代步不至役役也生竊怪羊女言有徵諾之早起同造王王接待甚有禮酒再巡即索觀玉章生取諸懷王一見愕然審辨色詢曰兄此物得自何方望勿隱生曰實非故物晚間偶循城溪間步將至廣渠門坐石小憩見城隍雉缺處玉色瑩然拾得此印不意見賞於翁愈當寶貴矣王曰老夫不言兄亦不知蓋此印實老夫之故物也失之十餘年矣今聞得諸城灣始追憶征日曾歸自郊垌小遺於城下恐墮落致損暫置牆隙中竟致遺忘兄所言詢不誣矣但此物雖微先世所留遺也詎可至我而失之兄忠恕如肯見還當以千金奉酬耳生曰物歸本主理之固然何敢望酬王大喜曰老夫有

言駟不及舌。兄勿却。亟收印入內。一餉方出。奉生千金。更謝僧五十金。盡歡而散。生歸寺。亦謝僧百金。始以情告之。並商改葬。羊母女之事。僧曰。先生不肯負恩於鬼。老僧敢絕義於人也。茶齋不同。畝請早圖之。生遂出資。備雙槨。鳩土工。僧偕至枯槐下。掘得骸骨二具。生大慟。沐以香湯。裹以錦襦。納諸槨中。僧捐柏林靜地方二丈。以瘞之。祭而後歸。是夜夢羊母女來謝。且告彼孤。恨兒墓深。誓欲見禍。郎所得二符。祈於墓土。焚其二。則無患矣。永訣矣。請從此解。言訖。哭哀哀而去。生悲而悟。窓月正午。隱隱牆外。猶有哭聲。反側不能復寐。次日語僧曰。羊女有靈。其言胡可不信。即取符就墓前祝而焚之。紙灰飛起。旋轉繞墓三匝。不因微風直出樹杪。知有神氣也。生肄業成均。次年及第。屢仕清要。年未四十。以病告歸。終身不娶。養一姪為螟蛉。教二弟成騏驎。中櫛付之小妾。米鹽畀之老妯。日授方畧。坐享宴安。冠于與之遊。熟悉其事。秋宵剪燭。向予詳述之。

閒齋曰。王氏為富不仁。草菅人命。致羊女魂遊地府。粉怨香愁。曾不能一控幽冥。為雪恨報冤之舉。已足悲矣。雖然。自古錢能役鬼。財可通神。凡受其顛倒者。不知凡幾矣。又何有於一草。草縱有靈。亦不過於月明雨晦之夕。泣酸風悲冷露而已。又何能為乎。

蘭岩曰。凡人溺於所好。雖土穴幾等華屋。村姬視同佳麗。又何必盡人入天台遇仙子。

哉。邱生聞羊女言。而勇于自新。得千金報。不忘醇德。其享富厚官清要也。固宜。

陸水部

周南溪先生常述其亡友水部主事陸公榮。不謹有罪。戍察哈爾時。單騎至歸化城。賃駝有趙姓者。以二駝應。一乘一載行李。既而曰。君無僕從。與我三駝僮僕。我可乎。水部如其言。立券授銀。將發。其一駝以馬代。曰。駝上下難。馬便。陸知其紿已。蓋是時駝價四倍于馬。自念彼貪利。吾貪路。駝馬奚擇焉。遂行。行一日。趙曰。一人難兼二役。牧與炊。君請擇一。陸領敝。又數日。稱疾。陸牧且炊。趙坐食。適盆有宿餐。冷熱半。趙撮熱者去。曰。我不慣冷食。陸笑曰。汝北人亦不慣耶。乃飯冷者自食之。行兩月。食無肉。罵陸。佯不聞。罵甚。辱及所生。陸正色曰。吾縱不才。曾忝朝籍。况年倍汝。奈何至是。趙曰。晚罷職。即民耳。老去死來。螻蟻引領入矣。尚以此傲我乎。罵益甚。陸掩耳走至牧所。坐草中。雪紛紛下。追憶昔時。歌鹿鳴。登玉陞。在家妻孥相守。出門僮僕相隨。今破帽敝裘。晝行夜牧。掬蹄泔餒。捨馬通炊。膚梨肌消。手龜足皸。又不幸為鼠子所窘辱。不禁涕泗交頤。仰天大慟曰。天乎。不意我陸公榮。竟至此。拔佩刀欲自刎。既又自念曰。吾奉命從軍。此非吾死所。方忖念間。忽見一老翁。年約七旬。方袍古冠。扶筇而至。揖陸而進之曰。傷哉。貴人失路。若此。寒家去此數武。粗糲生芻。足以供給。陸感之。而陰怪其衣。

冠不時。那意頗逡巡。翁笑曰。夫以窮髮之北。得居停主人如老夫。亦幸甚矣。奈何以物外見疑。陸釋然問姓名。自稱黎公。相將行數里。越土山。得巨宅一區。繚粉砌。蔭青松。雅潔清幽。迥殊塞外。入門。俊僕十餘輩。傳呼太翁。邀得陸主事來矣。即有二少年。華服出迎。執禮恭謹。登堂。陸拜。翁答拜。少年拜。陸亦拜。翁掖之曰。此吾家豚犬。君不當受其拜耶。俄而列燭張筵。窮極水陸。酒再巡。陸請辭去。翁曰。君尚欲聽馳人之餘罵乎。老夫雖儉陋。猶畜齊馬數十匹。足以代君步。此時不必預計。陸唯唯。翁曰。老夫家本瀋陽。流寓於此。幾五十年矣。幸與老妻相守。生四子三女。長子青。入秦探親未返。少子碧。方在襁褓。次子蒼。三子白。所見二子是也。長女阿紅。嫁於大同。次女阿黃。嫁於杭城。在閨者三女阿紫而已。顧謂二子曰。入語阿媽。可同阿紫出見客也。陸辭不敢當。翁曰。固是通家。無迴避者。二子趨入。良久。將命而出曰。母已設饌於室。謂堂上寒。請翁挽客入內。當親奉杯酒。表意也。翁笑曰。有媼周折如此。君當以得賢內助賀我也。急延入室。室中燃畫燭。張錦屏。鈎蒜垂簾。羅綺鋪地。美婢數十人。擁媼而立。被服鮮華。年與翁稱。陸拜。媼答拜。翁曰。何不見阿紫。媼曰。想羞客。不肯便來耳。翁笑曰。兒女態。每每如是。但使出嫁半年。亦便似渠二姊面皮如城墻。一室皆笑。媼又使人促之。移時。一雙鬟婢。啟簾。曰。紫姐來矣。隨以目視陸。含笑而去。既而女至。粉黛雲從。麝蘭霏霏。年

可二九。光豔絕倫。側立筵前。俛首理袖。翁媼同聲曰。兒勿爾爾。陸君非外人也。強女再拜。始各就座。酒多並陳笙簫。聆耳。夜將半。陸曰。且休。今宵之會。誠所謂雅集也。盍賦詩以紀。安用此繁絃急管為。翁曰。善。亟命撤樂。侍兒捧硯舒箋。瀟毫授陸。陸被酒興豪。賦七言近體一章。中有碧血丹心。遷客恨。雲鬢玉臂。故園情之句。翁覽之笑曰。觀君此詩。謂能忘情于小女。老夫不信也。陸惶恐避席而謝曰。鄙人詎有異心。聊以自感。故有是鳴。希翁諒之。翁曰。此亦數也。小女與君有夙分。遇非偶然。會須編吉。與友琴瑟耳。是夕盡歡。陸觀覲兩目。醉不能語。二子伴陸出宿齋中。翌日。陸請行。二子留鞭截鏡以止之。陸無如之何。居數日。有翁之宅相胡秀才者。謁曰。舅氏慕君名士。欲以少女奉箕帚。幸弗棄也。陸辭謝曰。西粵鄙人。身荷重罪。行年五十。落拓窮邊。自活未遑。敢累及他人愛女乎。望致語令舅。善為我辭。胡曰。不然。吾相君而有死氣。遠期不過二年。舅氏得道有年。附之足以免禍。况表妹不惡。貞靜幽嫻。古人斗酒博梁州。君不破一文。成此奇緣。自受多福。否則孤立無偶。竊恐既至時。欲求一人援手。救不可得也。陸心動。因出玉蟾蜍一枚。以聘。並以交桂二束。奉胡以為謝。曰。感君追藥石之言。故以藥為報。胡拜納而去。花燭之期將屆之前二日。胡與黎氏二子。攜酒來齋中。與陸小酌。半酣。復話及贅壻事。胡盛稱阿紫淑美。陸意得甚。且中酒。乃大言曰。若人之丰姿。予已於初到時。

審諦之矣。特笑老翁不學。命名阿紫。夫阿紫者。狐狸之稱。淫婦之所化也。奈何取以名女。言未畢。胡愕然失色。二子頸赤。拂袖而入。胡跣足曰。君失言矣。予執柯之功。乃至此休哉。可惜。可惜。陸茫然不解所謂。俄而翁與二子俱至。立簾下。以扶杖指陸曰。何物書痴。輕薄至此。幸負老夫左顧。何足恨。所可恨者。必害得小女子數日不養也。君自薄福。于我何尤。行矣。請從此去。言訖。于袖中掄白銀一錠。擲地有聲。去不復顧。胡亦太息而去。陸深自愧悔。酒力盡消。隱几而卧。昧爽方覺。則身坐一大石旁。砂磧茫茫。無復第宅。始大驚異。取視白金。固朱提也。徘徊悵悵。泣下數行。趙已不知所之。重至牧所。駝馬俱無。兢兢竟日。得遇周南溪先生。適乘一駝兩馬而來。乃訂交於積雪之間。于路備詳所遇。南溪決其為狐。且訝曰。昨遇一人。哭於道周。詢之自稱山西趙姓。有一駝一馬。為暴客劫去。想即與公為讎者。陸質其年貌。果趙也。天之報施於人。豈爽哉。相為太息者久之。至軍營。陸金盡。以岐黃術。寄食於軍中。然性憤而執口不擇言。竟坐訕謗伏法。南溪收其屍。葬之于火。始悟胡生謂其面有死氣之說。誠不謬也。

聞齋曰。輕薄之口。尤見絕於異類。况與斯人為徒。可不凜三緘之戒哉。

蘭若曰。落拓無依。致受辱斲役斯。亦固心衡慮矣。乃稍得意。遽爾輕薄。觸人所忌。卒之